

## **NDITQ ETE JOSEPH EKA EGYPT**

**Genesis 42:1-38**

**QYQHQ UKPEP-ÑKPQ 37**

**Eke Mkpawawa**

**IKQ IBUOT: “Enye inamke nnyin nte mme idiok ido nnyin esanade” (Psalm 103:10).**

### **Ibokpot Ke Egypt**

Ema eton ndikop mme ubiak aka ke Hebron ke ebiet emi Jacob ye ndito eren esie duopekiet ekedunde. Mmo ema ekop ete ke enyam ibokpot ke Egypt, edi ndito ete Joseph ikodomoke ndika do nkedep udia. Ke akpatre Jacob ama obup ntak emi mmo etiede ese kiet eken; ntak emi mmo midomoke ndinim ubon mmo ke uwem?

Ama osim isua edip ton nte ekenyam Joseph ke Egypt, edi nnyin imofioke ite ke ndito ete esie ikefreke akamba idiok nkpo mmo. Abasi ikayakke mmo efre. Ndusuk emi ekedi ntak emi mmo mikenyimeke ndika nkoyom udia Egypt ama eti mmo abana edinam ibak emi mmo ekenamde Joseph.

Abasi on owo kiet-kiet esit eke obiomde enye ikpe ke adana emi enye anamde idiok nkpo. Ndusuk ini owo enyene ison esit oto ke mme idiok edinam esie tutu nnyek esit ubiom ikpe akpa enye ke idem, enye onyuan esin ntun Abasi. Edi ata nkpo ndik ndisim ke ebiet emi Spirit Abasi minamke aba utom ke idem owo, mme spirit ndidoh mbon ima esie etre ndibon akam nno enye; edi nnyin imofioke ite ke ndusuk owo eka anyan ntre enyuan esin mbom Abasi (1 Samuel 16:1).

Jacob ama ofuh ke ofuri isua edip emi abana edima eyen esie Joseph, ke akwa mfuh emi enye ekenyenede, ima esie ama akabare okon ke Benjamin, ukperedem eyen esie. Idaha emi, Benjamin ama okpon onyuan enyene ufok esie, edi Jacob okosuk okokop ndik ete edieke Benjamin akade Egypt, nkpo ntibe ekeme nditibe nno enye.

### **Mme Ndap Esu**

Ke ini ndito ete duop esimde Joseph ndidep ibokpot, mmo ema enuh eno enye, edori enyin ete ke nsuhore idem mme imo eyeno mimo mfon-iso ke iso andikara Egypt. Mmo ekenam mme ndap emi Abasi okonde Joseph ediwak isua emi ekebede oforo osu ofuri ofuri, okposuk edi nte mmo mikofioke! Mmo ekedoh ete ke mme imo idinuhoke ino ukpere edem eyen ete mmo, edi mi mmo eketuak ibuat eno enye eyom ufwam esie. Iko Abasi enyene ndiworo nsu, owo okpoyoyom ndibion enye. Owo ikemeke ndikpuhore mme uduak Abasi.

Ekeme ndidi Joseph ama okop idaresit eti eti nditon ntak nkut ndito ete esie, edi enye akanam nte idionke mmo. Mmo ekekere ete Joseph edi ofin, mme ebede oro ke enye iduhe ke uwem; ndien ikekpaha owo idem ndikut nte ke mmo ikofioke ediye andikara emi nte eyen ete mmo emi mmo ekesinde ini kiet ko. Joseph ikenyeneke idiok esit ke abana son-ido ye ibak mmo ye enye, edi okoyom ndinam mmo ekere ebaana idiok ido mmo mbem iso enye ayarade idem esie on mmo. Nte enye okokutde mmo ke edon ke iso esie, enye ama afiak eti mme ndap emi enye akadabade ke ini uyen esie, onyuan otion ndikut nte ubok Abasi akadade enye usuan.

Ama odu Joseph ke udon ndidion mbaana ete esie ye Benjamin, edi enye ikoyomke ndiyarade idem esie; edi enye ama odori ndito ete esie uyo ete ke mmo edi mbon uyep, man oto do enye otim ofioke nkpo abana ubon ete esie. Ekeme ndidi esit esie ama oduo eti eti ke ini mmo etinde ebaana eyen ete mmo ete ke “Kiet iduhe.” Mmo eketin emi ebaana enye, ama odon enye nte okpodohode ete “se mi mi,” edi ke akpa ifet, akana nte edomo mmo ke ekpri ini, man ese mme mmo enenere etua mkpofioke ke idiok-nkpo mmo.

Nnyin imokut utibe ima Joseph nte akatuade ke ntak mfuh mmo. Oro edi ata edu owo Abasi. “Ema mme asua mbufu, enyuan ebom akam eyom ufon mmo eke enamde mbufu isin-enyin” (Matthew 5:44). Jesus ama okut esuene ke ubok mme Jew, edi ikereke oro, Enye akatua abana Jerusalem onyuan odoh ete, “Adana ediwak ini didie ke nkoyom ndibon ndito fo oto kiet kpa nte unen obonde ndito esie ke idak mba esie, ndien mbufu ikonyimeke!” (Matthew 23:37).

### **Ndito Ete Ekut Ukut**

Ema esin kpukpru ndito ete esie ke ufok nkpokobi ke usen ita, ndusuk ndinam mmo efioke esisit nte etiede ndidu ke ufin. Nnyin imokut ndien nte esit amiade mmo, koro mmo ema ekere ete ke ukut emi okosimde mme imo ekedi utip idiok-nkpo emi mmo ekenamde Joseph. Iko Abasi edi akpaniko, kpa ye idem mmo emi miyomke ndinim ke akpaniko, ndien nnyin imokot ke nwed Numbers 32:23 ite, “Ndien mbufu etim efioke ete ke idiok ido mbufu eyesim mbufu.” Ke Ecclesiastes 12:14 nnyin ikot ite “Koro Abasi eyekot kpukpru nkpo emi enamde edi ikpe, okoro ke kpukpru ndibe ndibe nkpo, edide eti, enyuan edide mme idiok.” Baba owo kiet ikobiomke ndito ete Joseph ikpe, edi Abasi akafina mmo, ndinam mmo eti idiok-nkpo mmo.

Ke ini Joseph ekeyirede ete eyen ete kiet etie ubion ete ke iyeda Benjamin idi ke iso esie, enye ekemek Simeon ete etie ubion. Reuben ekedi akpan ye andise nkpo mbaana ndito ete eken, edi ke ini emi ekenyamde Joseph ke Egypt, enye ikoduhe. Simeon emi ekedide uadiana akamba owo, ekedi enye emi kpukpru ndudue

okodorode ke idem. Idaha emi, Simeon ekenyene ndidi enye emi odude ke ufok nkpokobi ke ini ndito ete eken efiakde enyoni isoni Canaan. Abasi otim etini enyin ke kpukpru nkpo; ndien Enye inuini ifreke mmọ baba kiet.

Ndito ete esie usuk kiet ema etoni isani unyoni ye udia ndida nsok mbio ufok emi ekedude ke bioti. Joseph ama onọ mmọ udia nte ekemde onyuni otoni ntak ada okuk mmọ esin ke mme ekpat mmọ. Ndito ete esie ema edu ke ntimere esit eti eti, ke ini emi mmọ ekektude okuk mmọ, ke ndondo oro mmọ ekekere ete owo oro oyom ndida mmimọ nsin ke afanikoni. Owo emi esit obiomde enye ikpe, osuk odu ke ndik ke abana owo efen. Enye ebieri ikpe onọ owo efen nte enye akpanamde ke idem esie ke uti ini oro. Ukem ukem oro ye eyen Abasi emi esit esie asanade ibatke ndudue ino eyen ete esie edi ada ima esie ofuk mmọ. “Usua edemere utok: edi ima ofuk kpukpru ndudue” (Mme Nke 10:12).

Ndito ete Joseph ema enyene ekpri ndik Abasi ke esit mmọ, koro ke ini mmọ ekektude okuk emi ekefiakde esin eno mmọ, mmọ edoho ete “Nsidi emi Abasi anamde ye nnyin?” Mmọ ema enyime ete ke edi Abasi onyime mmimọ iduk ke afanikoni nte ubierikpe ke abana idiok edinam mmọ. Nte ededi, owo ndomo kiet ikotoho Egypt ika ndimum mmọ ke abana okuk oro; mmọ ema enyoni ke emem.

Kpukpru ndito ete Joseph ema ebon ndito idaha emi, ema enyuni enyene esit mbom ekan nte ekedide ke ini mmọ ekenyamde Joseph ke ufin. Ekedi nkpo mfuhọ ndibuk nno ete mmọ Jacob: Andikara Egypt ama etini okposoni iko ye mmọ tutu ekot mmọ mbon uyep; ema emum eyen ete mmọ Simeon esin ke ufok nkpokobi nte ubiōi nko; mmọ ikpenyeneke udia aba tutu mmọ eda Benjamin edi ke iso andikara.

### **Mfuhọ Jacob**

Jacob ama ofuhọ eti eti. Etie nte ofuri uwem esie okoyoho ye mbiara ye afanikoni, otionode ke usen oro enye akabianade eyen eka esie obọ itie akpan. Abasi ama efen ke idiok-nkpo esie, onyuni ofori enye, edi mbufa mfuhọ ema esim enye man efiak eti enye ini emi enye akanamde idiok-nkpo ke iso Abasi. Abasi enyene mbom onọ kpukpru ukponi eke atuade nkpoifiok, eyenyuni efen ke mme idiok-nkpo esie, edi okpofon adana didie edieke enye mikpakanamkenam idiok-nkpo.

Eno mbuk kiet ebana ete kiet emi ekesikonde okpukwak ke usuni kpukpru ini emi eyen esie otutde utoni ye enye. Edieke eyen ebedede edifen, eyesio okpukwak oro, edi ndudu oro eyesuk odu. Ete ama adahado onọ eyen esie ke ntut utoni; edi ndudu oro eyesuhọ nte nkpo eriti mme idiok nkpo esie. Okpofon adana didie edieke akparawa akpayakde esit esie onọ Abasi mbemiso ekoni “mme okpukwak” esin akan ndibet tutu enye akabare akani owo ndien oyom edifen onyuni enyene “mme ndudu oro” nditi enye mbaana ebio esie.

Jacob ama osuk afaana ndiyak Benjamin aka Egypt, edi aka okosuk akaka iso odu, ndien ke ini ema ekedia kpukpru ibokpot ekure ekenyene ndinam nkpo. Edieke mmọ minyeneke udia efen, idighe Benjamin ikponi edikpa, edi ofuri ubon. Reuben ama onyime ndino ndito esie iba nte nkpo ubiōi, edi Jacob ikonyimeke. Ke mmọ mikekemeke ndiyọ aba Judah ama ebieri ndiyọ se ededi emi editibede onọ Benjamin ke Egypt ke nsinsi. Nko, nnyin imokut nte Abasi etinde enyin ese kpukpru se Enye oyomde nnyin inam. Ekedi Judah akanam ekikere ndinyam Joseph nte ofin nno mbon Midian, edi kpa ufok esie ekenyene ndibiom se ededi emi ediworode onọ owo ekededi.

Ekedi okposoni nkpo onọ Jacob mbemiso enye ayak kpukpru se enye okomumde akama nte nti nkpo eka isoni mme okpono ndem, ke mifiokke se iditibede ino mmọ. Nkpo ndomo kiet ikesuhoke ino enye: Rachel, nwan esie ama akpa; kpukpru ndito esie ema eka ke Egypt; udia ikonyuni iduhe ke isoni Canaan se ediade.

Abasi ama onim usuni nte edinyanade ndimek ikot Esie, ndien Enye okoyom Jacob obuot idem ye Enye ofuri ofuri. Jacob ama anam kpukpru se enye ekekemede ndinam, idaha emi, enye ayak kpukpru nkpo esin ke ubok Abasi, onyuni oboni akam ete yak ndito imo ekut ufon ke iso andikara Egypt. Ke ini kpukpru se nnyin inyenede ekpetiede nte ekpori efep, ndien nnyin inyeneke se iberede edem, ana nte nnyin isuk ika iso inyene idorenyin ke Abasi nte Andino unwan. Nnyin imekeme ndiboni akam nte David okobonde, “Ke ini esit mi ofuhode; da mi ka akwa itiat emi okonde akan mi” (Psalm 61:2).

### **MME MBUME**

- 1 Nte mme ndap Joseph ema etoni ndisu?
- 2 Ke isua edip ama ekebe, nte ndito ete Joseph ema esuk enyene ubiom-ikpe ke esit mmọ ke abana ibak mmọ ye Joseph?
- 3 Nte afo emekere ete nkpo efen ke ebiede edikabare esit ye edifen nno ekeme ndisio ubiomikpe ke esit mfep?
- 4 Didie ke Joseph okodip idem esie ke iso ndito ete esie?
- 5 Nte ndito-ete esie ema etoni ndidok se mmọ eketode?